



Secretaría de Cultura del Gobierno Federal niman Instituto Nacional de Bellas Artes y Literatura
itechkopa Coordinación Nacional de Literatura, y Gobierno del Estado de Morelos, noijke Secretaría de Turismo
y Cultura de Morelos imechnotsjaj pampa teuan xmotlanikan ipan

PREMIO BELLAS ARTES DE ENSAYO LITERARIO MALCOLM LOWRY 2020



IN NOTLAJTLANE

AKINONOMEJ UELISKEJ KALAKISKEJ

SE. Ueliskej kalakiskej siuatlajkuilojkej niman tlakatlajkuilojkej uan chanijkej niman uan amo chanijkej; tla xchanijkej kipiyaj ika chantitiaskej ipan in tlaltipak niman kiteitis iamaj kampa kijtotias tla yekuika nikan kana se makuijle xiuitl, on amatsintle kipiya ika ualeuas itechkopa Instituto Nacional de Migración.

OME. Uan teuan notlaniskej kipiyaj ika kitlaliskej se iauiltokayo.

YEYE. Amo ueliskej kalakiskej uan:

1. Siuatlajkuilojkej niman tlakatlajkuilojkej uan yokiselijkej Premio Bellas Artes de Ensayo Literario Malcolm Lowry
2. Siuamej uan tlakamej uan tekitej ipan Secretaría de Cultura, Instituto Nacional de Bellas Artes y Literatura, niman uan tekitej ipan Secretaría de Turismo y Cultura de Morelos. Noijke xueliskej uan kinaman opejkej tekitej ipan in kaltlayekantin

ITECH IN TEKITL

NAUE. Uan teuan notlaniskej kipiyaj ika kititlaniskej se ensayo uan kitlejkoltiskej ipan iplataforma digital de Premios Bellas Artes de Literatura 2020, in tekitl kipiya yes tlajkuilojle ika koyotlajtojle noso maseualtlajtojle uan teuan nestokej ipan Catálogo de las Lenguas Indígenas Nacionales www.inali.gob.mx/clin-inali/itechkopa/tekitl: In tekitl uelis ualeuas itechkopa se siuatlajkuilojketl noso tlakatlajkuilojketl, cronista, ensayista, xochitlajkuilojketl noso yaka uan nomachtia touyetlamachilis uan onka ipan totlaltipak, maske amo machanej. Itekiyo yaka tokni uan chanej niman uan yotekititinen itechkopa totlamachilis uan okseke países.

In tekiyomej, tla san achijtsin noyej kineke kipiyas 50 cuartillas niman tla miyak asta 120 cuartillas, uan notlanis ipan teposajakatl (Times New Roman 12, doble espacio, tamaño carta niman páginas numeradas). Amatsintle uan achtopa yas niman tlayekanas kuikas itokayo in premio, itokayo tekitsintle niman iauiltokayo uan tlajkuilojketl.

MAKUIJLE. Tla on tekitsintle onojkuilo ika maseualtlajtojle, kuajkon ipan on amatsintle uan achtopa yas nojkuilos itokayo on tlatojle niman noijke ompa yas on tlajkuilojle kan yonotlajtolkuep ika koyotlajtojle.

CHIKUASEN. Xueliskej kalakiskej on tekijotsitsintin uan teuan notlantokej ipan totlaltipak noso ipan okseke uejueye tlaltipaktin, uan kichistokej kimatiskej tla otetlankej noso uan yokintemakalok niman yekisaskej itechkopa se editorial.

CHIKOME. Tla uan teuan notlantika okintitlan itekiyouan ipan okseke amatlanotstin de Premios Bellas Artes de Literatura 2020 niman miyekan otetlan, uelis kiselis san se premio.

UAN TLATLAKUIJKUILISKEJ IKA TEKIYOMEJ

CHIKUEYE. Kinuajtitlaniskej ipan kaltlayekankej uan tenostokej niman yeskej yeje tlajkuilojtlamachijkej: tlajkuilojkej, críticos niman tlajkuilojlatejomkej uan noyej miyak kipiyaj intekiyotsin.

CHIKNAUE. Tla se tlatlakuijkuijketl konnextiaj ipan in tekimej yaka uan kixmastiak noso iteixmatkaj, uan uan chante noso uan tekite, kipiya ika kimijlis akin okinotskej

niman uan imiuan tekkitok, niman xokuelis teuan tlatlakuijkuilis. Tla iikon onochij, on kaltlayekankej kipiyaj ika kitokayotiskej okse yankuik tlajtakuikuilijketl.

KENEJKE TIMOKUILOS

MATLAKTLE. Uan teuan notlaniskej kipiyaj ika nojkuiloskej ipan plataforma de Premios Bellas de Literatura 2020, www.literatura.inba.gob.mx/pbal2020/ uan notlapoua kuak kisa in amatl niman notsakuas lunes chikueye tonajle, **metstle junio, xiuitl 2020 tlajtako tonajle** (12 horas) (kauitl uan notekeitilia ipan Uyealtepetl México).

KENEJKE NOSELISKEJ IN TEKIYOMEJ

MATLAKTLE IUAN SE. Uan teuan notlanis kipiya ika kitlalis noche tlinon kitlajtlanilis plataforma, kemaj kitlejkoltis iyektekiyo ika formato PDF. Uan teuan notlanis kipiya ika kitokayotis itekiyotsin niman iauiltokayo, uan san sakan salitsiaskej niman san xelijtiaskej ika se guión bajo, noche ika minúsculas, iikon ken nikan nestok: tekitl_auiltokayotl.pdf.

MATLAKTLE IUAN OME. Tla yonka, on sistema kiyolitis se Hoja de Identificación ika se número de folio nima itokayo on premio, yajuin kipiya ika kitemoltis niman kitemiltis kuajle ika ima, kemaj kiescanearos para kititlanis kan notlajtlane. On sistema kiyolitis se contraseña uan kipiya ika nejeuas, kampa kikuis kuak kixtis icomprobante de participación.

Noijke kititlanis ipan korreo premiomlowry@morelos.gob.mx, in amamej ika PDF:

- Hoja de identificación
- Se amatl kampa kijtoua in tekitl iuaxka uan tlajkuilojua (Carta de manifestación de autoría)
- Se amatl kampa kijtoua kitekauilis makixexelokan itekiyos (Carta de autorización de reproducción de obra)
- Tarjeta kampa kijtoua chantitok nikan uan okimakak Instituto Nacional de Migración, kampa nestias ika uelis nemis nikan kanaj makuijle xiuitl, tla amo chanej (Tarjeta de residencia permanente)

Ipan iasunto korreo kijkuilos número de folio niman itokayo premio.

Noijke on amatl uan kijtoua kampa on tekitl iuaxka (Carta de manifestación de autoría), kuikas fecha niman kuikas tlamachotijle kampa kijtojtias kampa noche tlinon kijtoua melauak niman amo tlajkakayaua niman kampa on yektektil iuaxka niman xe kana kisa; kampa uelis kitemoskej akin tlanotsaj tla melauak noso xmelauak.

Noijke kititlanis on amatl uan kijtoua kampa itekiyotsin kinmakauilia akin tlanotsaj para kiteitiskej (Carta de autorización), kimiayakilikej, noijke ueliskej kixtiskej okseke tlamantin itechkopa in tekitl tla tetlanej, noijke kuikas fecha niman itlamachotil on tlajkuilojketl. On kaltlayekankej uan otlanotskej yajuamej achtopa kixtiskej niman kiteixpantiliskej on tekitsintle uan tetlanej ken yajuamej kinekiskej, itechkopa "Fondo Editorial del Estado de Morelos" noso itechkopa okse editorial.

Noche amamej tlin notlajtlanej kipiya ika kintemakas, tla poliue sentetl noso ome, uelis kixtiskej.

MATLAKTLE IUAN YEYE. Tla yotikintitlan moamauan ipan korreo, kipiya ika tikchas makiselikan mofolio on kaltlayekankej ipan plataforma de Premios Bellas Artes de Literatura 2020 (in amamej notlakuijkuijaj san

viernes). Tla yomitsmakakej mofolio, ye uelis tikchijchiuas niman tiktlajtlanis moamaj uan ijtoka Comprobante de Participación.

Tikalakis ipan:
www.literatura.inba.gob.mx/pbal2020/comprobante
 niman tikejeus ipan mokomputadora noso ipan se amatsintle.

MATLAKTLE IUAN NAUE. Notsakuastonajle ipan plataforma de Premios Bellas Artes de Literatura 2020 niman kan uelis tikintitlanis moamauan ipan korreo tlapoue kuak noteixpantilia in amatsintle niman notsakuas **lunes 8, metstle junio, xiuitl 2020 tlatlajko tonajle** (12 horas) (ipan kauitl de Uyealtepetl México).

AKINON OTETLAN

KAXTOJLE. Tokniuan uan teuan notlanej niman uan xkipiyaj tlinon kitlajtlanej ipan in amatlanotsalistle, kinkixtiskej.

KAXTOJLE IUAN SE. Xuelis nopalas tlinon kijtouaj tlatlakuijkuilijkej, in tekitl nochiuas ipan **mestle julio, xiuitl 2020**.

KAXTOJLE IUAN OME. Tla yokis on amatl kampa kijtoua akinon otetlan, Secretaría de Turismo y Cultura de Morelos, ixpan se notario, kitlaposkej korreo ika ifolio uan akinon otetlan, niman notlakuijkuilis on Hoja de Identificación, noijke notaskej on amamej uan teuan uajlouej. Folios kampa onokej inamauan tokniuan uan xotetlankej kimpopoloskej.

TLINON NOTEMAKAS

KAXTOJLE IUAN YEYE. Uan tetlane siuatl noso tlakatl kiselis se diploma niman \$150,000.00 (ciento cincuenta mil pesos 00/100 M.N.). On tomitsin xaka uelis kixelouilis.

KAXTOJLE IUAN NAUE. Ipan tlin tonajle niman kanon notemakason tetlayokolijle, kixtemoskej on kaltlayekankej uan otlanotskej

SEMPUAJLE. Instituto Nacional de Bellas Artes y Literatura, iuan Secretaría de Turismo y Cultura de Morelos, teititiskej niman kijliskej akinon toknij otetlan. Xaka okse kaltlayekanke noso tlakatl uelis kiteijlis in tlamantle.

SEMPUAJLE IUAN SE. Instituto Nacional de Bellas Artes y Literatura kiteititiskej itokayo akinon siuatl noso tlakatl okitlan on premio, kuak yokintlapojkej on amamej, yeueliskej kiteititiskej ipan páginas electrónicas uan niman iredes sociales de Secretaría de Cultura, Instituto Nacional de Bellas Artes y Literatura, Coordinación Nacional de Literatura y Secretaría de Turismo y Cultura de Morelos, ipan mestle agosto, xiuitl 2020.

SEMPUAJLE IUAN OME. In premio uelis nejeusas tla xaka otetlan, tla on kaltlayekankej uan otenotskej kitemakaj on tomitsin para ika manochiuakan oksekimej tekiyomej kampa nomaxtiskej yankuikej yektlajkuilokkej.

SEMPUAJLE IUAN YEYE. Kaltlayekankej uan otenotskej kitlaxtlauaskej uan tlinka uajlas niman kan nokaus on siuatl noso tlakatl uan otetlan para mauajla ipan on iluitl kan kitemakalos on premio.

TLIN IUAXKA TLAJKUILOJKETL

SEMPUAJLE IUAN NAUE. Uan teuan notlanej kinmakaskej intekiyotsin on kaltlayekankej uan otlanotskej niman yajuamej ueliskej kimiaykiliskej, kixexeloskej niman kiteixpantiliskej on tekitluanotetlan, noijkeparakiteititiskej noche uan tlin noyolitia itech in tekitl. On kaltlayekankej uan otlanotskej ueliskej kichiuaskej:

1. Kixtiskej itech in amochtle miyak tlaixkopinaltin niman okseke tlamantin ken tlaxayakakopinaltin, tlamauisoltin, copias electrónicas noso okseke tlamantin uan yenixmastokey noso xe nixmatej

2. In tekitsintle notitlanis miyakan pampa ijkon okseke tokniuan uelis kipiyaskej ika amatsintle noso ipan intepos

3. Itech in tekitl uelis tej kisaskej okseke tlamantin kenon amochtin, folletos, catálogos, animaciones, audiovisuales noso okseke

4. Motekiyotsin uelis kixexeloskej niman kiteititiskej ika miyak tlamantle, kentla kystoneke kimititiskej miyak tokniuan ipan:

- a) On tekitsintle uelis kitlaliskej ipan centros culturales, salas públicas noso oksakan
- b) Uelis kipanoltiskej ipan tepostlakakijle, tlamauisojo, internet, redes sociales, micrositios, repositorio electrónico, ipan celulares noso oksakan
- c) Ipan okseke tlamantin uan yenixmastokey noso xe nixmatej

Uan tetlane kipiya ika kitekaulis makiteititikan itekiyotsin, tla uan kiyekanaj in tlamantle san kinekej kiteixpantiliskej iamoch niman amo kitepostoka kitlaniskej tomintsin, kampa on tekitsintle sanken iuaxka akin okikuilo. Ijkon tej tla yotikak on tlamantle, kisjoneke kampa on tekitsintle iuaxka akin okikuiloj niman yajua kijtos ken kiyekanas.

SEMPUAJLE IUAN MAKUIJLE. On amochtle uan noteixpantilia noyej iuaxka siuatlajkuilokkej niman tlakatlajkuilokkej.

SAKA NOCHE

SEMPUAJLE IUAN CHIKUASEN. Noche tlin notlajtlane nokaua itekhopa Coordinación Nacional de Literatura, Instituto Nacional de Bellas Artes y Literatura niman Secretaría de Turismo y Cultura del Estado de Morelos, san yajuamej ueliskej kimpiyaskej para in tlanostle. Tla ache mas tikneke tikmatis keneke onotekitiltijkej moamauan, uelis titlajkuilos ipan www.literatura.inba.gob.mx/166-aviso-de-privacidad/7143-aviso-de-privacidad.html.

SEMPUAJLE IUAN CHIKOMEJ. Tla teuan timotlane ipan in premio kipiya ika tikijtos noche kemaj tlin mitsilia noso mitstlajtlanilia in amatlanotsajle, kuajkon tej noche uan teuan notlanej kichiuaskej tlin notlajtlane, kampa tej, xaka uelis itla kijtos nin kipatlas tlin ye onka ipan in amatlanotsajle.

SEMPUAJLE IUAN CHIKUEYE. Tla itla okipoloj in amatlanotsajle kektaliskej tlatlakuijkuilijkej niman kaltlayekantin uan otenotskej.

SEMPUAJLE IUAN CHIKNAUE. Uan teuan notlane kipiya ika kakis noche tlin kiliaj, tla xo tlakak niman okichij itla tlin xompa, uelis kinotsaskej ipan Tribunales Federales uan onka ipan Uyealtepetl México, niman xaka uelis kipaleuis ma chanej noso amo machanej.

Kan uelis titetlajtoltis:

Secretaría de Turismo y Cultura de Morelos
Fondo Editorial del Estado de Morelos
 Hidalgo 239
 Col. Centro, C. P. 62000
 Cuernavaca, Morelos
 Tlapouajle: (777) 329 2200, ext. 1016
publicaciones@morelos.gob.mx
 Página web: www.fedem.morelos.gob.mx
www.turismoycultura.morelos.gob.mx

Coordinación Nacional de Literatura
Instituto Nacional de Bellas Artes y Literatura
 República de Brasil 37
 Col. Centro, C. P. 06020
 Ciudad de México
 Tlapouajle: (55) 4738 6300, ext. 6703 y 6704
 Correo electrónico: cnl.subdirección@inba.gob.mx, cnl@inba.gob.mx
 Página web: www.literatura.inba.gob.mx



Este programa es público, ajeno a cualquier partido político. Queda prohibido el uso para fines distintos a los establecidos en el programa.



CULTURA
 SECRETARÍA DE CULTURA

INBAL